



U svijetu knjiga

U vremenu internet igrice, zaboravljene igre sa vršnjacima, druženja i prelistavanja slikovnica, prekinuti u vremenu čitanja i kreativnosti, potičemo i doprinosimo boljoj kvaliteti življenja djece predškolskog uzrasta uz svijet knjige.



Svijet bajki, priča, djecu odvode u maštovite krajeve koji opisuju čaroliju vremena nastajanja najljepših djela dječije književnosti. Ideja za poticanje i razvijanje ljubavi prema knjizi je put u avanture dječijeg doživljaja svijeta knjige. Obogaćeni vrtićki prostori djelima dječije književnosti imaju za cilj razvijanje estetskog doživljaja, samoizražavanja i ljubavi prema knjizi, čime se djeca predškolskog uzrasta podstiču da razmišljaju o sebi kao autorima. Mala biblioteka omogućiti će djeci da shvate svoje kompetencije koje se razvijaju sa njihovim sposobnostima, da steknu jaka, pozitivna osjećanja o samima sebi i da vide sebe kao govornike, čitače i pisce. Kada dijete sluša priče, čita knjige i raspravlja o tome što je pročitao, ono razvija bogatiji rječnik i bolje razumijevanje jezika. Čitanje djeci pomaže u razvijanju sposobnosti razumijevanja jezika, u shvaćanju riječi, rečenice, te kako se koriste glasovi i intonacija. Osim što čitanje pomaže u razvoju govornih vještina, ono pomaže u razvijanju predčitalačkih i čitalačkih vještina. Čitanje djeci u predškolskoj dobi ima i dodatne koristi, kao što su razvijanje mašte i kreativnosti. Kvalitetan i prilagođen pristup u predškolskom programu ima za cilj razvoj kompetencija djece predškolskog uzrasta, uz čitanje i pričanje najljepših djela dječije književnosti, mašte i svijeta knjige, a u daljem obrazovanju pozitivan odnos prema učenju uz svijet knjige. Albert Einstein je rekao: "Ako želite da vam djeca budu inteligentna, čitajte im bajke. Ako želite da vam budu još inteligentnija, čitajte im još više

bajki".

Čitajmo im i učimo ih važnosti čitanja i knjige , jer samo tako možemo uticati na našu i njihovu budućnost obrazovanja.

Tags

Obrazovne strategije

Poučavanje

Socio-emocionalni razvoj i razvoj ličnosti

Intelektualni razvoj

Razvoj govora, komunikacije i stvaralaštva

Collections

Obrazovne strategije

Autorski tekstovi